

INUIT ATAQATIGIIT INATSISARTUNI



UPA2026/130

17. juni 2026

Paarma Lund Kreutzmann

**Pujortartarneq nunatsinni peqqissutsumut annertuumik
sunniutipiloqartaqisoq qanoq annikillisarnerusinnaanera pillugu apeqquteqaat
aallaavingalugu siunnersuut**

(Inatsisartunut ilaasortaq Aqqalu C. Jerimiassen, Atassut)

Oqaaseqaat:

Inuit Ataqatigiinni pujortartarnerup allatigulluunniit nikotinitortarnerup nunatsinni annikillisarneqarnissaa iliuuseqarfingineqarnissaa kissaatigaarput. Pujortartarnerup kingunipilorisinnaasai amerlapput, inunnullu pujortattartumut kisimi eqquineq ajorluni.

Pujortartarneq pillugu eqqartivigaangatta pinaveersaartitsineq aamma annertuumik eqqartugassaasarsoraarput. Ataavattumik allannguissagutta, massakut pujortareersunut kisimi samminninnissarput naammangilaq, meeqqat inuusuttullu pujortartalinnginnissaat pinaveersaarnissaat suliniutigisariaqarpagut.

Taamaattumik kinguaariit tulluuttut pitsaannerusumik qanoq illersorniarnissaat isumaqataaffigaarput. Pingaartumik naartunermi pujortartarneq aammalu nikotinimik allatigut atuineq eqqarsaatigalugit. Naartiaq suliluunniit inunngorani, ukisoornarsinnaasunik immersorneqartarnerat annertunerusumik isummersorfigineqarnissaa annertunerusumillu eqqartorneqarnissaa pisariaqarsoraarput. Meeraq imminut suli illersorsinnaangitsoq illersorumallugu.

Eqqartorneqarsinnaasut ilagivaat, pisortat immikkut akisussaaffeqarsinnaanerat. Pisortat suliffeqarfiutaat innuttaasunut qanoq peqqinnarnerusumik inuuneqarnissaq pillugu oqariartuuteqaqataasinnaanneranik. Peqqinnartunik toqqaanissamut periarfissat siuarsartariaqarpagut aammalu nikotinimik atuinngitsumik inuuneqarnissamut sinaakkusiisariaqarpugut.

Malittarisassalli kisimi atorlugit angusaqarsinnaanngilagut. Pujortartartut amerlasuut pujortarunnaarnissamik kissaateqartarput, kisianni nikotinimut pinngitsuuisinnaajunnaarneq sakkortoorujussuusinnaavoq. Taamaattumik pujortarunnaarnissamut pikkorissarnerit aammalu immikkut siunnersorneqarnissamut periarfissat nukittorsartariaqarpagut. Pujortartartut ikinnerulernissaat kissaatigigutsigu, ikiorserneqarnissamut periarfissat nunatsinni sumiikkaluaraanniluunniit ajornanngitsumik

INUIT ATAQATIGIIT INATSIARTUNI



atorneqarsinnaasariaqarput, soorlu qaamammut ataasiarlunniit teamskkut ataatsimut periarfissiisarluni.

Inuit Ataqatigiit pingaartilluinnarpaat innuttaasut peqqissusaat, pinaveersaartitsineq aammalu meeqqat inuusuttullu nikotinimut atuisinnaalernissamik sapinngisamik illersortuarnissaat. Politikeriusugut, angajoqqaajusugut aammalu inuiaqatigiittut akisussaaffimmik tiguisariaqarpugut.

Uunga tunngasumik 2024'mi peqqissutsimut Naalakkersuisuusimasup siunnersuuteqarsimavoq, immikkoortoq 36. Meeraq illersornissaa qitiutillugu, Inuuneritta 3'mut naapertuuttumik inatsi.

WHO'mi innersuussutit aallaavigalugit suliaalluni. Naalakkersuisoq innersuunarpoq 2024'mi siunnersuutigineqarsimasoq misissoqqinnissaa.

Taamatut oqaaseqarluta oqallinnissamut qilanaarpugut.